

金石萃編

掃葉山房發行
唐駝署

金石錄

卷之五

古書

書法亦類王知敬趙模而無名氏撰者據金石錄為

于志寧石璽
銘

昭陵陪葬者百六十五人今存者僅十六碑記中載

其十五惟遺此碑先師所錄必目觀其碑與收得拓

本者非然則置之蓋其慎也碑止存百餘字而額尚

完金石文字
記補遺

按碑末行有云昭陵有云儀仗送至墓所尚可辨則

收陪葬信也史皆缺載非龜泉
縣志

按碑磨滅存者二百八十二字諸說謂百餘字者

約畧之詞也薛收為道衡之子北史薛辯傳孝通

字士達魏孝武末熙二年出為常山太守興和二

年卒于鄴子道衡字元卿隋高祖時授淮南道行

臺尚書吏部郎歷內史侍郎拜司隸大夫煬帝將

置之罪會議新令久不能決道衡謂朝士曰向使

高祖不死令當久行有人奏帝怒曰汝憶頗乎付

執法者推之奏曰帝令自盡繼而殺之妻子徙且

末有子五人收最知名出後族父孺儒開皇中為

侍御史揚州總管司功參軍卒於襄城掾道衡友

愛收初生養于孺宅隋書薛道衡傳語同而加詳

舊唐書薛收傳云收字伯襄蒲州汾陰人年十二

解屬文以父在隋非命乃潔志不仕大業末郡舉

秀才固辭不應義旗起遁于首陽山將協義舉蒲

州通守堯君素潛知收謀乃遣人迎收所生母王

氏置城內收乃還城後房元齡薦於太宗授秦府

主簿判陝東道大行臺金部郎中東都平軍還授

天策府記室參軍太宗初授天策上將尚書令命

收與世南並作第一讓表竟用收者從平劉黑闥

封汾陰縣男武德六年兼文學館學士嘗上書諫

獵太宗手詔賜黃金四十鎰七年癢疾卒年三十

三太宗與收從父兄子元敬書曰吾與卿叔共事

或軍旅多務或文詠從容何嘗不驅馳經畧欵曲

襟抱比雖疾苦日冀痊除何期一朝忽成萬古追

尋痛惋彌用傷懷且聞其兒子幼小家徒壁立未

知何處安置宜加安撫以慰吾懷因使人弔祭贈

物三百段及登極後嘗夢收如平生又勅有司特

贈其家粟帛貞觀七年贈定州刺史永徽六年又

贈太常卿陪葬昭陵子元超九歲襲爵汾陰男新

書傳語同皆可補碑之闕如碑云吏部郎即指父

道衡官淮南道行臺尚書吏部郎也舉孝廉不就

即收以父在隋非命潔志不仕大業末郡舉秀才

聖策名 睿主委下德下表其芳口諧口口口美化

恭勤處事平允居心激槩不移始終無爽暨平清輝已

謝縉禮猶加口八座之榮口九口之下下公口口零池口

口口口對第二子濟子謙第四子異第六子小師並早

天第五子律師泗州司馬第七子統師太常丞第八子

豐下關之下徵口載口刊鍾鏤鼎功伐攸傳思撰芳猷樹

之神道俾清埃之不絕與皎日而長懸其詞曰

關上九輔祥鈞叶贊互顯題楨各隆棟幹粹來耀廡珠生

滋岸其散口宏道華禁飛名零陵遠德雅俗口聲帝師

口口學口口口下杏壇業優槐市其四野瓜分三方鼎

立察景遙驚瞻星迴集師傳攸口恩徽備及禮光錫

口寵口口口其下爰口口口口年登扶麻日就素軌

攸簡青規式授望表時髦德華朝秀其口芝口口赤松

馳口方下關切三友哀纏九族其恩隆 詔葬 澤被

幽埏地口畢口口口原阡口口口口口口下關

碑額題故禮部尚書碑已殘其可讀者有云故金紫

光祿大夫張允攷唐史儒學傳有張後允即其人而

碑曰張允豈字後允耶舊史無字而新唐書曰字嗣

宗然則後字衍耶碑書撰俱無姓氏書法精健是得

河南之支流而開平原之門戶者石墨 韓華

右碑無書撰人姓名及建碑年月前後磨滅已極中

有金紫光祿大夫張允知為允碑又有顯慶三年正

月邁疾等字知為唐人也趙錄張後允碑有目無跋

亦註顯慶三年三月無書撰姓名予意即此碑但後

允系二名而此單名張字下更無殘泐何也唐書後

允傳字嗣宗蘇州崑山人碑云祿賜防閑陪芝昭陵

又與傳合豈嗣宗有二名耶抑後字為衍文耶傳止

載後允之子齊邱與鑑而碑中未泐處有第三子謙

第四子異第六子小師第五子律師泗州司馬第七

子統師太常丞第八子下缺不獨補史傳之遺亦以

證吾邑之誌為未備也邑志有張承休為後允之孫

恒州刺史多惠政而唐書不載孔子曰子其所不知

蓋闕如也疑以傳疑直以為張允碑亦可金石 後錄

太宗受學於張允文皇即位尚在下僚乃自請老文

皇始悟置酒宴之尋以對孔門弟子稱旨授國子祭

酒卒加禮部尚書陪葬昭陵來齊金石 刻攷畧

碑已殘缺存六百餘字可辯者按唐書儒學傳有張

後允其官爵與碑同而碑稱張允字畫分明可信無

疑是新舊唐書之誤也金石文字記直稱張後允石

黑鐫華辨之甚詳而仍稱後允考金石者原以正謬

誤也今從碑雍州金石記

復齋碑錄云李義府撰文關中金石記

按碑雖缺蝕尚存九百餘字視雍州金石記所見

較多矣兩唐書傳皆從畧不及此碑之可見者猶

詳今以碑之存字考其事蹟與兩傳參校紀其同

異補其闕遺錄于後新書傳張後允字嗣宗崑山

人祖僧紹梁零陵太守父冲陳國子博士入隋為

漢王諒并州博士舊傳不載祖名而云父中有儒

學中冲互異惜碑前段已缺不能定其孰是舊傳

云後允從父在并州以學行見稱時高祖鎮太原

引居賓館太宗就授春秋左氏傳即碑所云口逸

口口道高衡泌垂董帷而昂志口孫戶而口口漢

東籍其英烈江北仰其嘉猷也傳云帝初在太原

嘗問隋運將終得天下者何姓答以公家德業天

下繫心云云即碑云屬炎帝版蕩口縣朋離口口

口之陰謀僻左即之微婉引公為師友特口優遇

公歷口圖識備詳興滅屢申借箸之謀也新書傳

云義府初為齊王文學封新野縣公武德中擢員

外散騎侍郎賜宅一區太宗即位進燕王諮議舊

書傳云武德中累除燕王諮議參軍碑則云高祖

九五飛天一六光宅思口口之續想中涓之從武

德元年授齊口府文學下改口齊口文學九口又

轉行鄆口府文學按齊王即高祖第四子元吉舊

傳稱義師起授太原郡守封姑臧郡公尋進封齊

國公留鎮太原武德元年進爵為王是元吉至武

德元年始封齊王允之為文學當在是時碑與元

吉傳合若義寧乃隋恭帝侑年號高祖雖以義寧

二年受禪於侑而建號武德尚在受禪之次年其

時未有齊王之封則新史允傳謂義寧初為齊王

文學者誤也燕王即高祖第十九子靈夔舊傳稱

貞觀五年封魏王十年改封燕十四年改封魯若

武德中及太宗即位之初皆未有燕王之封允何

由為諮議乎是又兩史允傳之誤也惟鄆王元亨

為高祖第八子舊傳稱武德三年受封貞觀二年

授散騎常侍碑于轉行鄆口府文學之上隱隱有

九字下闕一字必是武德九年也允之轉鄆府文

學亦當在是時則碑為有徵矣新傳云從王入朝

帝令羣臣以春秋酬難即碑云命公下共難經口

口雅口口揚高情叙儻飛談鋒起轉論濤驚百辟

于是解頤一人由其拭目者是也新傳云遷燕王

亭之禮奄纏窆室之悲以顯慶三年正月七日薨

金傳云國子祭酒徐元玉廿子其詩如此

將而疆土厚清接大隴於商賈而變倫式叙者乃西

諱靖字藥師隴西成紀人也源夫龍德在躬法混成而謂道後靈象解縱飲羽以窮神辟諸吞乙 皇□□□

□□□□□□□□□□□□□□□□□□□□□□_{下梓}

靈源所漸美地冠於神洲國諒攸章茂緒光於列伏蓋

以被于金石無俟一二詳焉曾祖權後魏河秦州刺史

史□縣開□公□□□□□□□□□□□□□□□□_下

和復硤殷五州刺史永康縣公中南降靈材高文梓關

西出將氣蓋削成遊刃六條理芴絲而有緒擁□千□

□□□□□□□□□□□□□□□□□□□□□□

_下軍事荆州刺史綺歲權奇慕成慶之高義弱齡耿分

服子路之嘉言竟能繫馬埋輪自立□□之譽走魂□

□以□□□□□□□□□□□□□□□□□□□□

□□_下以納方邵於芻中輔趙辛於跨下豈非帝錫賢

弼以祚 聖人比夫□成作師用康漢道滋泉入縣寔

沃□心生□□□□□□□□□□□□□□□□

□□□□_下行事咸施可久謀而後動智越老成竟而

納眾量含多士數召與語嘉其志氣每商榷通變靡究

□□□□□□□□□□□□□□□□□□□□□□

□□□□_下之可畏矣年十有六長安令調為功曹蓋

引□賓□□□□□□□□□□□□□□□□_下崩次
骨嚴科濫加端士天倫之長竟被凝脂由是除公為汲
縣令應安陽三原孝績連最於時□中萬字□□□□_下
安邊長城弛柝運奇料敵合境無塵于時鼉鼉為梁久
盤澤國盜驪窮□留滯□鄉公□□□□□□□□□□_下
臺之衆尚嬰窮壘故知元天覆構非斷鼇之所持巨壑
騰波豈精衛□能□公□□□□□□□□□□□□□□_下
太宗地居帝子冥應寶圖則括欽明內韞知臣之
鑒推心通夢預納投□之□□□□□□□□□□□□_下
寧荒憫建旗直指進次臺州招集遺黎將申問罪銑徒
□肇□□羣□利□沉□□□□□□□□□□□□□□_下
授以兵權慰勉夷傷人皆拔拒奮揚衰怠疑並衝冠孤
城掩扉已經二載能勝兵者裁八百人夜□□□乘其
□意□□□□□□□□□□□□□□□□□□□□□□_下
翳景我師既渺人皆色變公徐搗馬策而謂眾云賊擾
且蹙是其怯也及未成列可以薄之□二百人蔽山□

定因請孝恭進圖蕭統 詔授行軍總管便事首途于

時八月涼秋稻水湊荊門之阨二江

之

若疾雷歛必無備遠徵不可以應速近召未足以成軍

計日就擒此兵家之上策也由是

命處死地以圓山先犯後軍

交馳公親率前茅射虛而進擒其僞帥由是

越卒從 勅授嶺南道安撫大使檢校桂州總管東漸

閩區南踰象浦雕題鑿齒

時雨玉桴括野候玉弩以馳威金鐻乘颺指金陵而振

旅僵短狐於洞澤

部尚書叅圖國政別食邑四百戶仍以本官行太子左

衛率未幾轉兵部尚書再

於是分區大沙下布地脉因而致絕謂天驕子代蹙中

原隨氏季年長

公乃輕賈畢景隨飛雪而長駟勒騎通霄繭遺風而遠

襲奄逾高關勢颺馳潛

增邑三千戶加位左光祿大夫餘官如故曩代和戎賞

褒儔倂昔人出塞

露之無私緯俗經邦法岳瀆之爲紀遠清遼晏畫一之

道無差翊政還

加授特進許其閑逸散金之賞擬迹疏公松子之權比

肩張傳安車宏太隱之義

詔徵公爲西海道行軍總管於是撫羽申令立表即

戎懸旌鄭善之阿

時其爵邑子孫承嗣太山如礪信誓之文不渝鎮鼎傳

銘垂祿之方

關下詔曰儀北台階允歸時望位袞袞

關下詔曰儀北台階允歸時望位袞袞

關下詔曰儀北台階允歸時望位袞袞

關下詔曰儀北台階允歸時望位袞袞

關下詔曰儀北台階允歸時望位袞袞

關下詔曰儀北台階允歸時望位袞袞

關下詔曰儀北台階允歸時望位袞袞

關下詔曰儀北台階允歸時望位袞袞

關下詔曰儀北台階允歸時望位袞袞

關下詔曰儀北台階允歸時望位袞袞

關下詔曰儀北台階允歸時望位袞袞

關下詔曰儀北台階允歸時望位袞袞

關下詔曰儀北台階允歸時望位袞袞

關下詔曰儀北台階允歸時望位袞袞

關下詔曰儀北台階允歸時望位袞袞

職必俟茂勲是以漢之鄧騭垂芳於往載晉之鄭袤著

美於當時特進衛國公靖

○下居端副志在奉上知無不為

叶贊之道既彰止足之風弥遠自違朝寵仍屬沉痾攝

養私第災涼亟

○下職事望重台槐職彫神化追蹤昭伯騰

映前猷繼美叔林儀形當代庶將乞言膠序相禮云亭

天不怒○俄從化○以○

○下詔贈司徒使持節都督并汾箕嵐

四州諸軍事并州刺史給東園祕器班劍卅人羽葆鼓

吹凶事所須並○優○

○下景武公禮也惟公才膺衡石契合 休明

受律九天之上收功四維之表洞庭狼顧剪不崇朝惟

楊○下始濟東流遠閱揭日未淹西嶺已晦將軍

從驃之客望祁山而慟懷丞相開闢之賓對佳城而掩

泣乃與家○室○

猗歟茂族同源 帝先壽雲標隴切漢分川○牀攸出

金輿在旆洪基誕 聖末派生賢秦州忠烈執羈從○

○下

○下

○下

○下

顧巧揚采鼓動生風惟皇作極求賢委政軒后順風有

虞申命在我 明辟道包前聖擬漢藩荆如周引鄭○

宮南紀○下智繳大

風咸殲鑿齒夷波海瀝廓氛江沱昏昏鹿塞森森雞田

編穹泱野蘊尔蒸天爰律橫奮電掃雲○下者續溢

宇騰聲壑舟潛徙國棟俄傾託辰沉曜愛景韜精朝念

明薨哀深 詔葬士思令範懷宗○晉○山

○下

碑陰

共十三行行

唐特進衛國公李俊以正觀二十三年薨年七十九

贈司徒并州都督陪葬昭陵墳制如衛霍故事起冢

象鐵山積石山以旌殊功今按其墳在昭陵之左北

距山麓三里南距今醴泉縣三十五里冢為三山之

狀主山與西山迤邐相屬而東北者勢若斷絕別為

一山疑其一象積石而一象鐵山也其高五十五尺

東西五十五步周圍一百五十步遺迹雄偉見之

者無不想其英傑能以功名始終真一代之名臣也

前有神道碑乃許敬宗撰王知微書其座元無釐制

規模皆削於英公未詳其然也訪古者可以觀焉元祐四年二月六日奉議郎權陝府西路轉運判官游師雄題宣義郎本司勾當公事陳令邑主簿蔡安時尉刁玠同觀邑令宣義郎呂山聖命工刻石

右李靖碑許敬宗撰唐初承陳隋文章衰弊之時作者務以浮巧爲工故多失其實不若史傳爲詳惟其官封頗備史云爲撫慰使而碑云安撫使其義無異而後世命官多襲古號蓋靖時未嘗有安撫使也由是言之不可不正又靖爲刑部尚書時以本官行太子左衛率其封衛國公也投濮州刺史蓋太宗以功臣爲世襲刺史後雖不行皆史宜書其餘畧之可也故聊志之

集古錄

右唐李靖碑集古錄云靖之封衛國公也投濮州刺史蓋太宗以功臣爲世襲刺史後雖不行史宜書而不書者闕也余按新史長孫無忌傳載無忌以下授世襲刺史者凡十四人姓名俱存蓋其事已見于他傳則于本傳似不重載也

金石錄

碑下半磨泐上半完好考金石錄爲許敬宗撰王知敬書歐陽永叔謂碑云爲安撫使及投濮州刺史云云余考前二事誠如歐公但舊唐書傳有收封衛國

公授濮州刺史仍令代襲例竟不行等語宋祁修新唐書削之但曰改衛國公耳歐公正與宋公同得云宜書不書也且舊書云本名藥師碑與新史皆作字藥師公又有弟名容師豈先名藥師后改曰靖而以藥師爲字耶

石星錄

其文有曰憫茲視矣突卽肉字謂蚩愚之人也史記李斯傳禽鹿視肉索隱曰禽鹿猶禽獸也言禽獸但知視肉而食之莊子及蘇子曰人而不學譬之視肉而食支子言人有二十五等其二十四等謂之肉人廣韻肉俗作突越絕書陳音對越王斷竹續竹飛土逐突作此突字乃俗書也而今人以爲古字誤矣

文字說

金石

李衛公碑稍泐金石錄謂爲王知敬書知敬負書名其書道美可愛唐初名手人止知虞褚如李衛公碑蘭陵公主碑崔敦禮碑高士廉瑩兆記孔穎達碑馬周薛薛收碑褚亮碑有著名者有不著名者皆精妙絕倫不遜虞褚人罕見之故多不知也

庚子鎬夏記

碑下半磨泐存字二千碑陰有宋游師雄跋舊志云存千五百字按篆額司徒字作倬考徒字从走土聲此誤从人从出謬于六書矣

醴泉縣志

碑殘蝕其文已不可次惟書者王知敬證之新唐書

王友貞傳友貞懷州河內人父知敬善書隸武后時

仕為麟臺少監即其人也投堂金石跋

按碑云公諱靖字藥師隴西成紀人也舊唐書傳

云李靖本名藥師雍州三原人新唐書傳云李靖

字藥師京兆三原人宰相世系表丹陽李氏晉東

莞太守雍長子曰倫五世孫文度西涼安定太守

與族人實入後魏因居京兆山北此為靖之本系

也唐書地理志三原縣屬關內道京兆府成紀縣

屬隴右道秦州天水郡道里懸殊不能確定其里

貫之所在也舊書傳云祖崇義後魏殷州刺史永

康公父詮隋趙郡守宰相世系表文度之子權後

魏河秦二州刺史杜縣公是為靖之曾祖權之子

崇義後周雍州大中正廣和復瑛殷五州刺史永

康縣公是為靖之祖崇義子詮隋趙郡太守臨汾

襄公是為靖之父此表傳詳畧之不同也碑叙曾

祖祖官爵與表同惟曾祖權碑作權為異此下當

叙其父事而文已闕但有荊州刺史字然表載詮

趙郡太守無荊州守之官所未詳也碑此下叙靖

本事云年十有六長安令調為功舊此語舊傳有

之碑又云除公為汲縣令歷安陽三原則兩傳所

無也兩傳稱高祖擊突厥於塞外靖察知高祖有

四方之志因自囚土變將詣江都至長安道塞不

通而止碑則隱約其詞云元天覆構非斷鼉之所

持巨壑騰波豈精衛口能口即謂此也傳云高祖

剋京城執靖將斬之太宗因請遂捨之尋召入幕

府即碑云太宗地居帝子冥應寶圖則指欽明內

韞知臣之鑒推心通夢預納投口之口是也傳云

開州蠻酋冉肇則反率眾寇夔州靖率兵八百襲

破其營即碑云建旗直指進次夔州招集遺黎將

申問罪孤城掩扉已經二載能勝兵者裁八百人

云云是也傳云武德四年靖陳十策以圖蕭銑授

靖行軍總管兼攝孝恭行軍長史其年八月集兵

夔州乘水漲之勢倏忽至城下擊破之碑云因請

孝恭進圖蕭銑詔授行軍總管便事首途於時八

月涼秋稻水湊荆門之厄二江口口口口口口

之口勢若疾雷敵必無備云云與傳合也傳云授

嶺南道撫慰大使檢校總管碑與傳合惟撫慰作

安撫為異舊傳云十六年輔公柝於丹陽反詔孝

恭為元帥靖為副以討之碑云玉梓括野候玉弩

以馳威金錫乘颺指金陵而振旅是也按此乃武德六年事舊史誤衍十字傳云太宗嗣位拜刑部尚書賜實封四百戶貞觀二年以本官兼檢校中書令三年轉兵部尚書碑云太宗統極寵渥增隆徵拜刑部尚書參國政別食邑四百戶仍以本官行太子左衛率未幾轉兵部尚書參國政卽檢校中書令而太子左衛率則傳所無也碑云旌頭上列星野于是分區大沙不布地脉因而致絕謂天驕子代蹙中原隋氏季年長□□此指貞觀四年突厥諸部離叛以靖爲代州道行軍總管擊破定襄之事下云進封代國公增邑三千戶加位左光祿大夫尚書右僕射傳則云進封代國公賜物六百段及名馬寶器焉拜尚書右僕射而無增邑加位之語碑云加授進爵許其閑逸散金之賞擬迹疏公松子之權比肩張傳卽傳內乞骸骨言甚懇至下優詔加授特進聽在第攝養是也碑云太宗憫茲視突瘡彼遊魂乃詔徵公爲西海道行軍總管此是貞觀九年破吐谷渾事傳云十一年改封衛國公授濮州刺史仍令代襲例竟不行碑云改封衛國公授濮州刺史疇其爵邑子孫承

嗣太山如礪信誓之文不渝錢鼎傳銘世祿之口方口蓋不復言例竟不行也碑於此下三行卽接詔書二百餘言皆卽贈之語据傳則十四年靖婁卒詔墳塋築闕象突厥內鐵山吐谷渾內積石山形以旌殊績十七年詔畫凌煙閣十八年太宗將伐遼靖擬行愍其羸老不許碑皆無一語及之碑云詔贈司徒使持節都督并汾箕嵐四州諸軍事并州刺史傳則但言贈司徒并州都督而已靖熟閑兵法初遇太宗時論兵語多謀畧後人因采其語託爲李衛公問對成書三卷通行於世且侯君集常請授兵法則靖之將畧亦可槩見也靖薨于貞觀二十三年金石文字記以爲碑立于顯慶三年當必有據今碑已泐無致惟文有太宗字知其爲高宗時碑也然則距靖之薨已十年矣文爲許敬宗所撰史稱敬宗末人文筆多令彥伯代作彥伯昌之子敬宗之孫也敬宗以咸亨三年薨年八十一其撰此碑時年六十七不知是彥伯代作否耶至唐人小說有虬髯公傳云靖少在長安見楊素素妾張氏奔之因與偕行抵靈石遇虬髯客詢問天下真主同至太原見太宗驚異因盡出其珍

寶貨帛資靖所用而客與妻及一道士別去云此

後十餘年東南數千里外有異事是吾得意之秋

也貞觀中公以左僕射平章事適南蠻奏有海舶

千艘甲兵數十萬滅扶餘國自立為王因與張氏

遙瀝酒祝之云云然而史俱未載其事恐係流傳

之妄未足据也姑附記于此碑書原夫作源夫終

南作中南殆借用字瘡彼遊魂釋名瘡酷瘡也是

瘡有虐義故借瘡為虐標皆作標篆作表尚沿北

朝之舊也

王居士磚塔銘

每方廣二尺許縱橫各十七字正書

上官靈芝製文

敬客書

居士諱公字孝寬太原晉陽人也英宗穎邁遠曹隆周

茂緒遐昌鬱冠後魏樂府歌其載德天下挹其家聲具

詳曷牒豈煩醜縷居士早標先覺本遺名利遍覽

典墳窮義富觀老莊如糟粕視孔墨猶灰塵得給園

之說嚮求彼岸之路勵精七覺仰十地而剋勤肝食一

麻欣六年之顛顛方期拔除傾軋承離蓋經何悟積善

始基處悲生滅以顯慶元年十一月廿九日疫疾終于

京第春秋七十有三卽以三年十月十二日收骸起靈

塔子終南山梗梓谷風吟遠潤寶鐸和鳴雲散危峯金

盤吐曜道長運短迹往名留不刊分石孰播微猷吁其

嗟焉乃為銘日

懿矣居士明哉悟真幽鑒彼岸妙道阿津苦節無撓貞

心剋勤顧選三有超倫十輪俄隨但化遠此遷神巋然

靈塔長欽後人

敬客名不顯於時然其書法特為瘦勁大類褚公則

知唐世能書人多不免為巨公掩耳邵陽褚千峯言

碑在梗梓谷向止存後半今已廢為柱礎矣虛舟題跋

向在西安府城南百塔寺今為墨客取去金石文字

記云近出終南山梗梓谷中乃明末時出諸土中者

出土時石已裂而為三其大唐王居士磚塔之銘上

半截五行已無存矣其靈芝製文敬客書下半截五

行又裂而為四其嚮求彼岸十一行又裂而為三下

截亡五十字此碑盛行于世摹臨翻刻者不下十餘

處較之原碑不啻霄壤第碑裂而為七又亡去百二

十餘字僅存者其能久乎故記之以備考云莊州金石記

此銘一字不損蓋近時重摹者也居士姓王名公其

人篤信釋氏但未出家耳其沒也遂從浮屠之法曰

收骸起瘞蓋火化也

抱經堂文集

右王居士磚塔銘古今志墓之石類小而薄不能耐久歐趙所見志石今無一存者此銘出土纔百餘年已裂爲三矣此碑銘纏作纏釋文壓本亦作埋又作厘厘本壘之省文故唐碑纏漚漚字旁多有从厘者張敬詵墓志葬於漚澗之陽後周石幢日漚南斗李思訓碑憂纏家國陸東之蘭亭詩適足纏利害孔師泰碑門人議服俱纏至極之哀廣韻以纏爲纏之俗其實乃省文耳

潛研堂金石文跋尾

按此銘翻刻有二本一爲長洲鄭廷暘峒谷歸一

爲吳縣錢湘思贊書皆臨摹善本鄭娟秀錢瘦勁

原刻破裂則此二本皆可寶也余與二君善故得

其詳此銘原刻不知高廣若干幾行行幾字以槌

碎拓本較之周有邊匡刻大花葉約寸許首行未

是類遇二字以此準之當是每行十七字字徑八

分上下占二分則是高約二尺也前一行是標題

及換書人姓名銘序二百十一字銘詞四十八字

推之當爲序十二行銘三行總計之得十七行行

十七字其爲磚蓋方二尺也製文者上官靈芝唐

書上官儀傳有子庭芝之靈芝或是庭芝之弟兄

碑刻于顯慶三年正與庭芝同時也書者敬客微氏爲河東右族而敬客事蹟無攷梗梓谷長安志梗梓谷水出南山北流合成國渠又谷口有興教院卽百塔信行禪師塔院並在長安縣南六十里又法苑珠林神異篇載隋終南山梗梓谷釋普安一條云隋文帝時佛教大興廣募遺僧依舊安置時梗梓一谷三十餘僧應詔出家並住官寺唯安一人習樂山居云云是梗梓又作梗梓也碑以頽邁爲頽邁厝牒爲圖牒皆借用字刊碑不曰貞石而曰介石亦僅見此

金石萃編卷五十一終